



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Canonicorvm Regvlarivm Ordinis S. Avgvstini Origines ac
Progressus, Per Italiam, Hispaniam, Galliam, Germaniam,
Belgium, aliasque orbis Christiani prouincias**

Le Mire, Aubert

Coloniae Agrippinae, 1614

Monasteria Monialivm Congregationis Victorinae.

urn:nbn:de:hbz:466:1-11321

*Carnes in refectorio non manducant. Certis tem-
poribus & horis constitutis infra terminos suos ma-
nibus suis corporaliter laborant. Circa primam vel
secundam noctis horam ad matutinas surgentes,
in hymnis, & psalmis, & cantici spiritualibus Do-
mino suauiter & deuotè iubilando, residuum noctis
plerumq; expendunt. Aestatis autem tempore à
vespera usque ad auroram nocturnum frequenter
protrahunt officium. Semel autem in anno omnes
huius ordinis Abbates Parisijs apud S. Victoris
Ecclesiam generale capitulum celebratur, congre-
gantur. Post diuinæ prædicationis epulas delicatas
& suaves, de his quæ ad religionem & ordinis in-
stituta pertinent, vñanimiter pertractantes. Ha-
cetenus Vitriacus.*

Cæterum ut Aroasiensis, sic & Congrega-
tio S. Victoris desijt, nec annum amplius ca-
pitulum à Victorinæ olim Congregationis
Abbatibus celebratur.

Inter Victorinæ Congregationis Abba-
tias olim fuit, Abbatia S. Mariæ de Victoria,
cuius fundationem vide infrà cap. 40.

Item Abbatia S. Martini Gemellorum, de
qua vide infrà 43.

MONASTERIA MONIALIVM *Congregationis Victorinæ.*

Gronenbriensis Abbatia, in vrbe Gan-
densi, in Flandria.

Trudonensis Abbatia in vrbe Brugensi:
de qua

de qua vide suprà caput trigesimum tertium.

VVasmunstiensis in agro VVasienfi, apud Teneramundam Flandriæ opidum.

Abbatia Pontis Roradi, vulgò Roelbrugge, in Flandria.

Abbatia noui monasterij in opido Bergensi S. VVinoci in Flandria.

Vallis S. Margaretæ vulgò Nonnarum monasterium in vrbe Antwerpensi.

CAPUT XIII.

**CAPITVLVM, SEV CONGREGATIO
VVindesemensis, Canonicorum regularium,
in Germania inferiore & su-
periore.**

VVINDESEMENSE Monasterium, Canonorum regularium ordinis S. Augustini, tertio miliari à Dauentria, Germaniæ inferioris vrbe, ad Isalam flu. sita, anno 1387. Christi 1387. fundatum est. Ab hoc monasterio nomen induit, legesque accipere solet Capitulum seu congregatio Vvindesemensis, quæ centum viginti ferè per Germaniam inferiorem ac superiorem monasteria olim complectebatur, hodieque non mediocriter floret. Debet autem ista congregatio originem ac progressum suum *Gerardo Magno, & Fratrum*, seu vitæ communis clericorum familiæ ab ipso institutæ, vt Thomas Kempensis, qui

D 3

Ger-